

## Mali ćuk (*Glaucidium passerinum*) na lokaciji Crepulje, Semizova Ponikva (Vareš)

Fledgling of the Eurasian Pygmy Owl (*Glaucidium passerinum*) found at location Crepulje, Semizova Ponikva (Vareš): During summer of 2017, two fledglings of the Eurasian Pygmy Owl (*Glaucidium passerinum*) were found at location Crepulje (1.282 m a.s.l.), in settlement Semizova Ponikva. This is the first time that *G. passerinum* was recorded in area of Vareš and the first time the fledglings were found in Bosnia and Herzegovina, indicating the breeding activity of this species.

Tokom ljeta 2017. godine vršeći doznake stabala za sječu, djelatnik JP ŠPD ZDK - P.J. Šumarija Vareš, Zlatko Jarmanović, na tlu je pronašao dva ptica male sove (*Glaucidium passerinum*). Potvrdu da se radi o ovoj vrsti dao nam je Goran Topić nakon uvida u fotografije. Lokacija nalaza je brdo Crepulje (1.282 m n.v.), selo Semizova Ponikva, Vareš (koordinate 44°10'53" N, 18°18'3" E), u blizini visoravni Vranjковci. Ovo područje uglavnom obuhvata sastojina jele i smrče, a na višim predjelima brda Crepulje zastupljeni su i lišćari bukva i gorski javor, sa učešćem od cca 4%. Jedna od ukupno dvije pronađene jedinke je nespretno odletjela, a druga se zadržala na tlu pokušavajući se sakriti u prizemnu vegetaciju. Ovo je prvi nalaz za područje Vareša i okoline [Kotrošan, D., 2016: Stanje populacija sove



**Slika 1:** Mali ćuk na lokaciji Crepulje 23.06.2017. godine (Foto: Zlatko Jarmanović)

**Figure 1:** Eurasian Pygmy Owl at location Crepulje, June 23, 2017 (Photo: Zlatko Jarmanović)

u Bosni i Hercegovini, doktorska disertacija] čija se veličina populacije procjenjuje na 50 do 100 parova [Kotrošan, D. & Hatibović, E., 2012: Raptors in Bosnia and Herzegovina – their status and perspectives for monitoring development. *Acrocephalus*, 33 (154-155): 173-179.]. Prema kazivanju Gorana Topića radi se o prvom nalazu ptica pronađenih u Bosni i Hercegovini kao dokaz gniježđenja ove vrste. Vrsta je klasificirana kao ugrožena (EN) prema Crvenoj listi ugroženih divljih vrsta i podvrsta biljaka, životinja i gljiva FBiH [Škrijelj, R., Lelo, S., Drešković, N., Sofradžija, A., Trožić-Borovac, S., Korjenić, E., Lukić-Bilela, L., Mitrašinović-Brulić, M., Kotrošan, D., Šljuka, S., Gajević, M., Karačić, J., 2013: Crvena lista faune Federacije Bosne i Hercegovine. Knjiga 3. EU "Greenway" i PMF, Sarajevo, <http://www.fmoit.gov.ba/download/Crvena%20lista%20Faune%20FBiH.pdf>].

Maja Jaćimovska i Zlatko Jarmanović  
jacimovska@hotmail.com  
zlatko.jarman@gmail.com